

Abonnement pour un an

350 Piastres

Edition spéciale. 500 ptrs.

Adresse :

« Idjtihad » Constantinople

Téléph. St. 865

XXIII ème ANNÉE

15 Juillet 1928 No. 256

اجتهاد

علمی، ادبی، اقتصادی، صناعی، صحی مجموعہ

آبونمان : سنہ لکی [24 نسخہ]

تور کیا ایچون 2 بچق، خار ج ایچون

3 بچق، اعلا کاغذ لیبی 5 لیرادر.

ادارہ خانہ سی :

جفال اوغلندہ « اجتہاد ٹوی »

تلفون : استانبول 865

یکرمی اوچنچی سنہ

نومرو 256 - 15 تموز 1928

ایسه دیگر مجموعه لوده چیقان آرقاداشلری کیبی یکی و کوزله -
کنج نائرك یازیلری بزده یارینک ادبیاتی ایچین چوق شیئر وعد
ایتمکده در. کنعان خلوصینک حکایه لرنده خوش و چاپقین بر
تخکیه طرزی وار، که او قورکن انسانک بوتون دقتی جله لرك
پشی سیرا قوشدور مقده در. «دیزک آلدینی آدام» سرلوحه سندن
صوکه جله سنه قادر جاذب ۰۰۰ اویله، که هیچ بر پارچاسنی
آی واوریشنال دیه آیرد ایدمه دم! کل حالنده بر مکملیت
وجوده کتیرمک آز شیمیدر ؟

دییه بیلیرم که «مشعله» ده او قونابیله چک یکانه اثر بودر.
ایشته، «پالاورا ادبیاتنه» قارشى دویولان حسرتک افاده سی
اولدینی سویله نن، خالص بر صنعت مجموعه سی دیه اعلان ایدیلن،
صحیفه لرنده ادبیاتک عقلالفلرندن، موسیقینک دیدی قودیلرندن،
رسمک ادعالرندن زیاده محصولاری بولونا جفندن بحث ایدیلن
«مشعله» نك مندرجاتی ۰۰۰

استانبول : 1928

صبح عزت

وزن وقایه ایچین ایکیه بولونمش جله می آراورسکن، ایشته:
بر قلعه دیوارندن دوشهرک، بویله، هانکی
قهرمان بر داملاقان بیراقاز دامارنده ؟
.....

دیم دیک اولان توپلری دیکن دیکندی، صانکه
صابلاشمش وجودینه قارا صابلی ییچاقلر !
صوک نظم ینه صبری اسعد بکک : رسملر و بیلولر .
بونى اوقونجه، غیر اختیاری، نه بو قیافنده عائله
کوریم ونده بو اوداده او طور مق باکا نصب اولسون،
دیدم . باقیه کزآ : مشعله جی کنجک بونوک باباسنه ژاپون
کیجیسی تاختا کیتاره سیله شرق سویله یور ! بر کوشده
اشقودره یادکاری داغ کیبی غوجوغیله آلی مارتینلی داییم
دوریور ! یاننده ایسه اوزون صاچلی برچینلی آفیون چکمه کله
مشغول ! کل آغاچندن پایلان قوغو کی بر کی ایسه بونوک
آنه سنی طاشیور ! عمجه زاده سی ده چرکس قیافتیله و ندیکده
غوندولارله دولاشمده ! کندیسنکده یاقه سنه قیپ قرمزی بر
شیطان یایشمش :

کنعان خلوصی بکک «مشعله» ده انتشار ایدن حکایه سی

ورم - ساناتوریوم

متحده آمریقا ده ییاقلرک مجموعی اوتوز بیکه بالغ
اولان 100 ساناتوریوم واردر. 500 دیسپانسر موجوددر.
هراون بیک نفوسه نسبتله ورم و فیاتی «بلچیقاده» 14
«آلمانیا ده» 15 «انگلتره ده» 19 اولدینی حاله. 1334
سنه سنده بزده بورقم 27 یه بالغ اولمشدی؛ بزم ایستاتیسیتیکلر-
مزک پک آز مکمل اولدیفنه نظراً ورم و فیاتنک یوزده
نسبتی بوعددک فوقده اولماق محققدر. مکمل غذا آلمق،
صفوغه قارشى تحفظ ایدمه ییلمک کونشی، صاف هوا سی
بول، صحی شهرلرده، اولرده یشامق خلق ایچون کوچ
اولدجیه، ورم تداو یخانه سی یا یمقله ورمک اوکنه کچله میه.
جکنی بیلیرزه فقط بر متورم، بر محله ده آتش آلان بر
اوکیدرکه یانغینی باصدیرمقله ناصل بر جوق اولرآ تشدن
قورتیلمیورسه بر متورمی بر تداو یخانه یه آلمق سایه سنده
اونک حیاتی قورتارماق امکانی حاصل اولدقدن بشقه
کندیسیله برابر دوشوب قالقان، برابر یلمک ییهن،
کیمسه لره بو اولوم یانغیننک سراتی ده منع ایدلمش
اولور. ایکی سنه ایچنده اوچ اولادینی متورماً مزاره

ورم تخریباتی چوغالیور؛ بویالکیز تورکیایه مسلط
بردرد دکلدر. دنیانک هر طرفنده ورم عرق بشرک بیوک
مهم و قیمتی بر قسمی قیریور. ورم دیواندام و اژدر
خسار تخریباتنه هر طرفنده دوام ایدیور. فقط بورلرده
ورمک قارشینه، مهیب و مستحکم سدلر، مانعه لرده چیمقور.
اشاعیده کی رقلر بوجعتی بلیغ بر صورتده روشن قیلمایه
کافیدر .

بتون دنیاده و فیاتک یوزده اون برالی اون بشی
آق جکر ورمندندر. ورمک درجه تخریباتی حقدده
بر فکر ویرمک ایچون شومدهش وثیقه احصائییه عرض
ایده رم. اون طقوزنجی عصرده فرانسه نک یاپدینی بتون
محاربه لرده کی ضایعاتی «2» میلیوندر. عتی عصر ظرفنده
ورمدن وفات ایدن فرانسرلرک عددی «20» میلیوندر .
اوروپاده، آمریقا ده ورمه قارشى عظیم جدالر
تأسیس ایدلمشدر. مثلاً آلمانیا ده 159 ساناتوریوم 1500
دیسپانسر، 59 ورملی چوجلره مخصوص مؤسسه، 121
ورملیله مخصوص اورمان استراحتخانه سی واردر.

قویان بر جوق بدبخت ابون کورمکده یز .

شونی ده سویله ملیم که ورم قابل شفا برخسته لقدر .
ایلك دورلرنده منتظم بر تداوی آلتنه آلان متورملر همان
عمومیتله قورتولورلر . سناناوریومارده تداوی ایدیلن
مختلف دورلرده کی متورملردن شفایاب اولانلرک عددی
یوزده آلتش نسبتنده در .

بو کون علم ایچون بالخاصه باقته ریولوژیا ایچون نامتناهی
بر قدرت مقدر در . ورم باسیلارنی سهولتله احاطه
چاره سنک بولوناجنی کونک اوزاق کورونمه یور . ایلك
آدیم آتیلیمشدر . وایلك آدیم ایلریله مه نك ابتدا سیدر .
علم عظیم فتوحات حاضر لاقده در . ینه هیچ بر زمان
اونو تمیلم که حقیقی سلامت وسعادت شخصیه اندیشه سی ،
انجیق سلامت وسعادت عمومیه اندیشه سنده مند مجدر .

دونکی بلغاریانک ورملیری تداوی ایچون اون
بش ساناتوریمی اولدیغی بلغار خسته خانه سی اطبا سندن
او کرمشدرک . رومانیک ورم خسته لغیله مشغول اولان
متعدد جمعیت خیره لری وارد در . شوقظه نك آلتنه خط
دقت چکمک لازمدر ، که ورمه قارشى مجادله تشکیلاتی ایشی
بوملکسترده دولتک صیرتنه یوکلک تیللمش دکدر . بونلری
خصوصی جمعیت ونشبتلر وجوده کتیرمشدر ؛ حکومت
بونافع و انسانیت پرور تشبثلره بالطبع حسن توجه و تقدیر
کوسته بر . بزده هر نعمتی دولتدن بکله مک اعتیادی
وارد در . هر قصوری ده دولته بولساق ایسته رز . بوکی
تشبثلری علی الدوام دولتدن بکله مک اعتیادمز ، دولتی تألیه
ایتدیکمزدن در ، بحال روحیه به نه تاتیزم دیرلر ولاتین
تربیه وسعیه سنک خام و غدا سز میوه سیدر . آنغولساقسون
عالمنده ، ایشلر بوسبوتون باشقا مجرا ده در . حکومتلر
اوراده یالکیز خارجی مدافعه و داخلی تأمین آسایش
و تأمین حقوق ایشلریله مشغول اولور . انکلترده ایلك
تحصیل ایچون خصوصی معارف ونشر معارف جمعیتلرینک
صرف ایتدکاری مبالغ بزم عقللرمزه حیرت ویریر .
مخلی مکاتب اداره لرینک صرف ایتدکاری مبالغ عظیمه
خارجنده حکومت مرکزیه نك معارفه تخصیص ایتش
اولدیغی اون ایکی میلیون انکلیز لیراسنک 9,800,000 ی

ابتدائی تحصیله تخصیص در . ژاپونیا ده 180 میلیون آلتون
فرانغه بالغ اولان معارف بودجه سنک 85 میلیونی ابتدائی
تحصیله تخصیص اولمشدر . خصوصی معارف جمعیتلرینک
معارفی تعمیم ایچون جمع و صرف ایتدکاری مبالغ بو
مقدارک برثلث مقدارینی کچمکده در . بونلر هپ کوسته
ریر ، که ساناتوریم ، ورمه مجادله ، حماه اطفال تعمیم معارف
کیی ایشلرده هپ کوزمزی حکومتک کوزینه دیکمه مز
بزم ایچون هیچ ایی بر علامت دکدر . بزم چوجوق
قالدیغمزه ، عاقل بالغ و مختار اولادیغمزه اشارتدر .

بزده ساناتوریم یامایه مساعد چوق یرلر وارد در .
بونلرک الک مکمل و شرائط فیه یی الک جامع اولانی کشیش
طاغی اتکیدر .

1921 تاریخنده ، صحیه ایشلری باشنده بولوندیغ
صیره ده ورمک سرایت و توسعنه قارشى بر مجادله تشکیلاتی
وجوده کتیرمک تشبثنک اسباب موجب سنی محتوی اولوب
بو خصوص ایچون متشکل والیوم استانبول مبعوثی
محترم صنعتداشمز حقی شناسی پاشانکده بولوندیغی بر
هیئته عرض ایتش اولدیغ پروگرام - خطابه یی (اجتهاد) ک
صحیفه لرینه عیناً نقل ایدیورم . بو صورتله بو خصوصه کی
اندیشه لر مرکز ماضیسی و بزى هر زمان تحریک ایدن حاملار
روشن اولور و اوزمان جمع ایدیش اولان قیمتی معلومات
واستشهادلرده ضایع اولماقدن قورتولور :

ذوات عالیه علمیه دن متشکل بو مجلس حضورنده
ورم خسته لغنک درجه انتشاری واجرا ایتدیکی تحریباتک
وسعتی حقنده اوزون اوزادییه ایضاحاته احتیاج کورم
یالکیز صحت عمومیه متعلق ایستاتستیکلری منتظماً قید
ایتمکده اولان بملکسترده ورم خسته لغنک هر سنه سبب
اولدیغی وفیاتی کوسته رن بر قاچ رقی خاطر لاقمه اکتفا
ایده حکم :

اون بیک نفوسه نسبتله فرانسه ده هر سنه 38 ، آوستریا ده
34 ، آلمانیا ده ، 20 انکلترده 19 ، ژاپونیا ده 19 ، ایتالیا ده
17 ، بلجیقاد 14 ، کشی ورم خسته لغندن وفات ایتمکده در .
ملکتمزده محمی ایستاتستیکلر تنظیمنه بالنسبه یقین بر
زمانده باشلانیش وضبط ایدیه بیلنلرک بر قسمی ده مدیریت

صوك سنه ظرفنده ميدانه چي قمشدر. ورمدن متولد اولد قلری
اولجه معلوم اولميان ذات الجنبلردن، ذات السحابا لردن پك
چو غنك ورمدن ايلری كلديكي بوكون عموماً قبول ايدلمشدر.
روما تيزمه لرك، عصی خسته لقلرك، تصلب شرابينك
حتى ورمك ضدی عدايديلن آرتر تيزمه نك بيله بطصاً
ورمندن متولد اولديغنی ادعا ایدن طب استادلری واردر.
ورمك بوتجلیاتی ده نظراعتباره آلنیرسه دنياده بو خسته لغه
طوتولماش پك آز انسان قالمش اوليور ديمكدر.

مع هذا بو قراكلق لوحه ايچنده بر جهت شايان

ممنونيتدر كه ورم خسته لغنك

سبب اولديني آفات مرضيه نك

دائماً اولومه ايصال ايتديكي

دوشونولورسه ورمك دائماً

مهلك بر خسته لق اولماديني،

قابل تداوى و قابل تشفيه

بولنديني ده ظاهر اولور.

فقط ورم ايستاستيقلرينك

تشكيل ايتديكي مظلم لوحه

ايچنده كورديكمز شو كوچك لمعه شيميدليك لوحه نك

ظلمتنی ازاله يه كافي دكلدر. ورم خسته لغنك تشفيه سي

ممکن اولمقله بر ابرانكارى ده قابل دكلدر كه بوكون لاعلى التعيين

هر مملكتده وفياتك الك بيوك قسمی ورم خسته لغندن ايلری

كلكددر. يالكيز استانبول شهرنده بتون وفياتك يوزده

يكرميسي يعنى بشده بری ورمندن متولد بولمقدهدر.

ورم جمعيت بشريه ايچون الك بيوك فلاكت، الك بيوك

اجتماعی خسته لقدر. الك اوزون، الك قانلی حربلرك الك

قاره، الك زياده صالحين وبالرك موجب اولديني تلفات

ورم خسته لغنك سبب اولديني تلفات ياننده پك اهميتسر

قالير. اون طقوزنجی عصر انساننده فرانسه نك بتون

محارباتده غائب ايتديكي نفوس ايكي مليون اولديني حالده

اوعصر انساننده ورمندن اولن فرانسرلرك عددينك اون

مليون اولماسنى تكرار خاطر لاتماق كافي در.

ورم خسته لغنك بو درجه لرده انتشار ايتمنك بيوك

بر سببی ايضاحدن مستغنی اولديني اوزره، سرايتدر.

عموميه بناسنك يانديني زمانده محوامش بولونديغندن مملكتك
هيئت عموميه سننده ورم خسته لغنك موجب اولديني وفياتی
تعين ايتك ممكن دكل ايسه ده يالكيز استانبول شهرى
ايچون المزده اولدقجه منتظم احصائيات جدوللری واردر.
بوجدوللره نظراً 1324 سنه سندن 1335 سنه سنه قدر

اون ايكي سنه ظرفنده استانبول شهرنده ورم خسته لغندن

سنوی وفيات تقريباً 3500 ايله 2500 عددلری آره سنده

تحول ايتمشدر. الك يوكسك رقم اولان 3515 عددی

334 سنه سنندهدر. بو عدد شهر مژك اعتباری عدد نفوسنه

نسبت ايديليرسه اون بيكده 37

ورم وفياتی بولنور. فقط بزده

اصول احصائينك هنوز نه قادر

اكسيك وغير متكمل اولديني

دوشونولورسه بو عدده دها

اون رقی علاوه وبونی 47 يه

ابلاغ ايتمكله آنجاچ حقيقته تقرب

ايدلمش اولاجاغنه شبهه بوقدر.

كرچه 334 دن بری ورم وفياتی

تناقص ايتمكددر. حتى 335 سنه سننده 2546 يه تنزل

ايتمش ايسه ده بونی ورم خسته لغنك تخريباتی آزالديغنه

ياخود پايتخت خلقنده خسته لغه قارشى مقاومت وسايطنك

چو غالدیغنه دكل. فرانسر شاعرينك :

Le comat a cessé faute de combattants.

ديديكي كبی ورمندن ثوله بيله جك انسانلرك آزالديغنه

عطف ايتك دها دوغری اولور ظنندهيم. بو عددلر

آنجاچ ورم خسته لغنك اولدوردكلرينی كوسترر. حالبوكه

بر خسته لغنك موجب اولديني فلاكت يالكيز اولومدن

عبارت دكلدر. خسته لغنك تخريباتی تعين ايده بيلمك

ايچون هنوز اولميينلری، خسته لقدن آز وياچوق مضطرب

اولانلری، بو خسته لقدن دولایي جمعيت بشريه ايچنده

حائز اولدقلری قيمت اجتماعيه لرینی آز چوق غائب ايتمش

بولونانلری ده بيلمك لازمدر.

بوندن باشقا ياقين وقته قدر ورمندن تماماً آیری

ظن ايديلن بر طاقم خسته لقلرك ده ورمندن تولد ايتديكي

لرندن قسم اعظمتك ورم ايله مجادله جمعيتك هيئت اداره اعضاسندن بولنلري تشبث متقدمك تماماً تقدير اولنديغنه دلالت ايدر .

آنجق هر قومك كندينه خاص سجيهرلى واردر . بعض قوملرده فردلر كندى ايشلرينى كنديلرى كورورلر . بعضيلرى ده حكومتلردن تشبث ويا معاونت بكارلر . مثلاً آمريقاليلر بوتون ايشلرينى تشبث شخصى ايله يامق ايسترلر . اولر حكومتلردن كولك ايله مكدن ياشقا احسان ايسته مزلر . بزده ايسه مع التأسف خلق ا كثر يا هر شئي حكومتدن بكار . بو ايكي اصولدن برنجيسنك ايكنجيسنه نه قادر مرجح اولديغى بوراده بالطبع تدقيق ايتمه جكم . فقط شوراسى شه سزدن ، كه هر مملكتده سهولتله بر ايش كورمك ايچون او مملكت خلقك احوال روحيه سنى نظر دفته آلق لازمدر . بو اعتبار ايله مملكتلر زده ورمه قارشى مجادله ايد بيلمك ايچون حكومتك تشبثى و معاوتى مطلقاً لازمدر . ذاتاً افرادينك تشبث شخصلر ايله باشلامش اولان مملكتلر دولترلر ينك يارديمندن تماماً مستغنى قالمشدر . مع هذا بزده حكومتك ده تشبثانده موفقيتى انجق خلقك معاوتى ايله حاصلدر خلقك معاونت و خدمت ايتمه سى ده اولاً تنوير ايدلسنه وابسته در .

بو ورم مجادله قوميسيونى اعضاسنك ا كثريله (ورم جمعيت) هيئت اداره اعضاسندن بولونماسنى موفقيتمزه براعت استمال عد ايدر .

شوصورتله ورمه قارشى مجادله خصوصنده ك متخصص استادلر يمز بر جهتمدن اتخا ايد بكارلى فنى قرارلر ايله حكومتى تنوير ايد ورك اك موافق نظاماتك تدوينه ديكر جهتمدن خاقى ارشاد ايد ورك اونظاماتك حسن تطبقنه خدمت ايد بكارلر .

ورمله مجادله نك نتيجه سى عزم صبر ايله چوق همت و پاره صرف ايتمكه كوريله بيلير . زمانى قيصالتق محال اولدينى كى مجادله ايچون لازم اولان نقدك كافه سنى ده بردن بولمق ده قابل اولمايغندن ياپيله جق ايشلارى بر صره يه قويق ، تعبير آخرله مجادله نك پروگرامنى تعيين ايتك احجاب ايدر .

واقعا ورم خسته لغنك انكشافنده بنيه نك بيوك دخلى واردر . عموماً قبول اولونمشدر كه تماماً سالم انسانلر ورم باسيلارينه قارشى اولدقجه مقاومتلدرلر ورم باسيللرى حقيقه صحتده واي شرائط صحيه ايچنده بولنان بر بنيه يى كوچ مغلوب ايد بيلير . ورم ضعيف بنيه لر فقير وجودلر خسته لغيدر . فقط بو خسته لغك توسع وانتشارنده سرايتك بيوك دخلى اولديغنه قناعت قطعيه حاصلدر . بوكون ورم خسته لغنك سارى اولدينى معلوم اولمقله برابر سرايتك شكلىرى ، واسطه لرى ده - تماماً دكلسه ده هنوز خيليجه - مظلوم بولونمقده در ، شو حالده ورم شفاسى قابل اولدينى كى ازاله سى ده محال اولمايان برخسته لق ديمكدر .

سارى خسته لقلردن بر چو غنك او كى آلمش ياخود مجادله لر ينه كيريشيله رك ساحه تخريبلىرى بك چوق تحيد اولونمشدر . بناءً عليه ديكر سارى خسته لقلر كى ورم خسته لغنك ده مجادله سايه سنده توسعى تحيد ايتك ، حتى بر زمان صوكره بوسبوتون او كنى آلق اميدى غير موجود دكلدر .

ذاتاً غربى ايكي بويوك مملكتلر ده ، انكلتره ايله آلمان ياده ، ورم خسته لغنه قارشى ياپيلان مجادله نتيجه سنده كوريلن موفقتلر بوايمدى قوتلندير مكددر . فى الواقع بو ايكي بويوك مملكتك هر برى اوتوز بش ، قرق سنه مجادله نتيجه سنده ورم دن وفياتى يوزده اللى ايكي نسبتنده تنقيص ايتمكه موفق اولمشلر در . دوكتور Duclaux نك 1902 ده كى تدقيقاتنه نظراً فرانسه ده اوچ ورم وفياتنه مقابل آلمان ياده ايكي ، انكلتره ده يالكى بر وفات بولونمقده در . بولردن صوكره جاهير متحده آمريكا دخى مجادله يه باشلامش واوراده دخى اوتوز سنه ظرفنده ورم وفياتى بك چوق آزالتمشدر . اورالرده كوريلن موفقتلر غربى ديكر مملكتلرينه دخى اميد و ير مش و بوكون افرادينك صحتى دوشون هر مملكت ورم خسته لغيله باكمال عزم وشدت مجادله ايتمكه بولنمشدر . مملكتلر زده دخى بر قاچ سنه اول هيئت عليه كزجه معلوم بولنان ذواتك غيرتلىله بر جمعيت تشكىل ايتش ايدى . بورايه مدعو طب استاد

بویله بر خسته خانه تاسیس ایدلیدی تقدیرده دخی ساری ورمیلیرک هپسینی اورایه نقل ایتک قابل اوله میه جقدر. ینه برچوقلری خانه لرده قاله جقدردر. خسته لقلرینی عائله لری افرادینه، یا خود خارجه سائرلرینه سرایت ایتدیرمکدن منع ایچون بونلره وصایاده بولنقی، تعبیر آخرله خسته اولقی صنعتی اوکرتک لازمدر. بو خصوصده ورم جمعیتک شه سز پک بیوک یاردیمی اوله بیلیر. اقامتگاهلرنده قاله جق ورم خسته لری بزه خسته لغتک اخباری مجبوری خسته لقلردن عد ایدیلوب ایدلمه مه سی مسئله سنی درپیش ایتدیرر. معلوم اولدینی اوزره بعض مملکتلر ازجمله انکلتزه، حکومت متحده آمریکا، دانمارقه، اسویچره ورم خسته لغتک اخبارینی قانون ایله مجبوری قیلمشلردر. آمریقادا اخبار ایتیلر ایچون آغیرجه جزالر ترتیب ایدلمشدر.

بوراده دخی اخبار مجبوری مسئله سنی دوشونمک لازمدر. اخبارک مجبوری اولسی حقنده بلکه هیئت علیه کز آراسنده دخی علمی مناقشه لر اوله جقدر. پارس طب آقاده میسی ده اوزون مناقشات علمیه دن صوکر مجبوری اساس اعتباریله قبول ایتمشدر. فقط اول باول حکومت طرفندن ورم خسته خانه لری احضار ایدلمه سی و خسته خانه لره کوتوریه میه جک اولانلره طبی واجتماعی معاونت جهتلرینک ده دوشونسی لزومی ایلری سورمشدر. اقاده مینک شومطالعہ سی هر مملکت ایچون دوغری ایسه ده اخباردن مقصد یالکیز خسته لقلری ساری خسته لری خسته خانه یه قالدیرتماق دکلدرد. ورم له مجادله ایچون ورم خسته لغتک درجه توسی و برشهرده هانکی سمترلده ده زیاده اولدینی حقنده صحیح معلومات لازمدر؛ بومعلوماتک جمعی آنجاق ایستاتستیکلره قابلدرد. ایستاتستیکلرک ده احتمال اوزره رینه دکل حقیقی عددلر اوزره رینه استناد ایده بیلیمسی ایچون خسته لغتک اخبار ایدلمه سی ایجاب ایدر نته کیم انکلتزه ده بو مقصدله ورم خسته لغتک اخباری مجبوری طوتولمشدر. ورم له مجادله نک متمر اولماسی ایچون خلقک معاونتی لازمدر. بالخاصه عموم اطبانک مجادله یه اشتراکری الزمدر. مجادله نک المفید عاملاری طیبیلر اوله جقدر. اولر

بای تحتد ورم خسته لغتله مجادله ایچون ایلک یاپیله جق ایش، فکریمزجه ساری ورم خسته لری عادتاً قوردون آلتنه آلمایه مخصوص بر خسته خانه یعنی بر ورم تجرید و تدایخانه سی وجوده کتیرمک دره ورم خسته لری تجرید لزومی آرتق مناقشه ایدلمه سی قابل اولیان بر ضرورت علمیه دره. (آچیق Ouverte) عد اولنان ورم خسته لری ورم لی اولیان خسته لرله بر آرده بولندیرمق بوکون علم طب نظریده عادتاً بر جنایت اولدینی کبی (قابالی - Fermée) عد اولنان ورم خسته لرینک بیلله آیرلمه سی الزم کورن اطباء متخصصه واردرد. خسته خانه لرده عینی قغوش داخلنده ورم لی اولیان خسته لرک یاننده متورملرک یاتیرلماسته تحمل ایدلمه ملیدر. بعض خسته خانه لرده متورملر ایچون آیری قغوشلر تخصیص ایدلمکده ایسه ده بر خسته خانه ایچنده مختلف قغوشلر آراسنده مناسباتی تماماً قطع ایتک قابل اوله میه جغندن بو قاداری ده کافی دکلدرد. ورم ایله مجادله ایدن مملکتلر؛ انکلتزه، آلمانیا، دانمارقه، ایتالیا، حکومت متحده آمریکا، ورمیلیر ایچون آیری خسته خانه لر انشا ایتدیرمشلردر. یالکیز نیویورک شهرنده جمعاً 4482 یتاغی حاوی 18 ورم خسته خانه سی وجوده کتیرلمشدر.

ورم جمعیتک بر قاچ سنه اول فاکولته خسته خانه سی یاننده آجدرمش اولدینی ورم باراقه لری ششکرانه ذکرایده رم. فقط بر میلیون سکنه لی بر شهر ایچون بو اصلا کافی دکلدرد. ورمیلیر ایچون بر خسته خانه صر بولونمق الزمدر. وقتیه قره دکز است حکاملری قطعاتی ایچون عسکری بر خسته خانه ایکن صحیه مدیریت عمومیه سنه دور ایدیان بر قسمی موقه مهاجرلرک اسکانه تخصیص اولنان بوزیتاقلی قواق خسته خانه سنک شیمدیلک ورمیلیری تجرید و تداییه مخصوص بر مؤسسه اوله بیله جکی فکری اخیرا آرقداشلرمدن غالب عطا ونشئت عمر بکلره محلدنه یایدیغمز تدقیقاتدن حاصل اولمشدر. شهرک مختلف سمترلنده تحولات هوایه حقنده منتظم معلومات اولمادیغندن بو خسته خانه نهنک موقع اعتباریله ورمیلیرده تماماً موافق اولوب اولمایه جفی هیئت علیه کزک تبعاتیه تعیین ایده جکدر.

کوردکری آچیق ساری ورملی بر طرفدن مرجع
عائینه اخبار ایدر، دیگر جهندن خسته لک سرایتنه میدان
ویرمه مەسی ایچون خسته یه وصایده بولورلر سه هم کندی
خسته لرینه وعائله لرینه، هم ده جمعیه خدمت ایتش اولورلر.

بناءً علیه خسته لغی اخبار کیفیتنده اطبانک حسن نیتلرینه
فکر سلیم لرینه مراجعت ایدیله بیلیر .
(مابعدی کله جک نسخه ده)

تورک حرفلری مسئله سی

صهرده بن ده فنیکه حروفاتی طرفداری اولدیغ ایچون
پک چوق اوغراشدم؛ حتی بوسمیدن کندیلرینه اتحادی مال
ایدین وفقط ترقی یولندن بستیون صاپان اسکی فکر داشلردن
بعض خودبین ومنفعت پرستلرینی سه پارا ایتستک [تفریق جیلق]
ایله اتهام وتورکیاده ایلك دفعه خلق فرقه سنی تشکیل
ایتدیکمه فرقه یی چوروتک ایچون بوکی واهی افترالرله
هجوم ایدیورلردی. عزمکارلر طبیعی بویله قوری صیتی
تهدیدلره قولاق آصمازلر. بزورکلر حقیقت کی اوطانیمه رق
چیرچیللاق عرض اندام ایتمز وطوته جق یری قالمایان
منفسخ عنعناتدن واز کچمز وعدم تنزل یوللرینی طوتوب
تعصب زنجیرلرینی تماماً قیرمازدها طوغریسی پیشتوامن،
ومادی ومعنوی غایمز، قوجه منجینک دیدیکی کی
«سریوش فلان دکل بوکا شاپقه دیرلر. افندیلر شاپقه
بشقه اسم آرامیکز!» دیمز ایسه ک برشی یابامیز.

اسلامیت، ملیت صورتده دکل سیرتده در. فنیکه
حرفلرینک صوک شکل تکاملی ویا زیلیدشده سهولتلی اولان
لاتین حرفلرینی خرسقیانلق دوغورمه دی، لزوم یاراتدی
بزده آرتق بولزومی تماماً حس ایتدک. بوکا تعند و تعصب
دیش کچیره میه جکدر. ایرکچ قبول اولنه جق باری بهوده
یره وقت غائب ایتیمه لم [*].

بعض ذوات: تورکلکی بوکسلتن ویش عصرده کور
طوپال کتبخانه لر دولوسی بونجه آثار حصوله کترین
عثمانی ادبیاتنک اسکی بر پاچاورا کی آتیه میه جغنی
اوکه سورهرک عفو اولنه میه جق بر خطای ارتکاب
اولنه جغنی ظننده بولنمده ایسه لر، تاریخده مثلی یوق

[*] بومقاله بزده بوندن دورت آی اول کونده ریلشدی.

[اجتهاد]

لزومی تحقق ایدن بر شیک تکرار لزومندن بحث
ایتمک عنبه اشتغال اولدینی ایچون بو باده فکر ایدینک
ایسته یلری (اجتهاد) ک 189 نوهر وسنده دو قوتور اسماعیل
شکری بکک و 192 نوهر وسنده معلم لطفی بکک و 240 نوهرولی
نسخه سنده ده منیف پاشا مرحومک راپوری مناسبتیه
دو قوتور عبدالله جودت بکک ملاحظاتنک والتش یش سنه
اول قافقاسیه لی فتح علی (بای) ک تکلیفلرینک مطالعه سنی
توصیه ایدرم.

کچن سنه «اجتهاد نهوی» نده محترم مسالکداشم
دو قوتور عبدالله جودت بکی زیارتده تورکک حال حاضر
ادیبلرندن بر ذالده ده طانشمق شرفه نائل اولمش ایدم.
مباحثه مز تورک حرفلرینه انتقال ایدنجه کندیسنی بومسئله ده
صلاحیتدار طانیان بو ذات: «بو برلسان، بر فیلولوژی
مسئله سیدر؛ کوز تدایوسی مسئله سی دکلدر. بونی اهلنه
بر اقیکز. دیمش وامراض عینیه متخصصی بن ودو قوتور
جودت بکک مسئله ده یبانیجی اولدیغمز ایما ایتک ایسته مش
ایدی. بن ده جواباً: «اوت حقکز وار فقط، کوز
متخصصی بولونمایان بر یرده اهلی کلنجه یه دکی و بستیون
کور اولمه سی ایچون کوز خسته سنه «آسید بوریکلی ویا
سائر فنالق کتیرمه جک صولرله کوزلریکزی یقاییکز»
توصیه سنده بولنمقدن سزی کیم منع ایده بیلیر؟ تورکک
چپاقلانمش کوزلرینی تطهیر ایتک هر وطنداشک، هر ملتداشک
بورجیدر. «دیمش ایدم بر کوک یولنی کوسترمک ایچون
مهندس اولغه لزوم یوقدر. او یولی بیلن هر شخص
بیلمه یه نه وه برک ایده بیلیر.

بومسئله ده بنده براز تجریم وار مشروطیت انقلابی
مناقب آرناتودر ملی حرفلرینی اصلاح ایتمه قالشقدلری